

LÖGREGLUSAMÞYKKT

fyrir Kópavogsbæ.

I. KAFLI

Staðgildi samþykktarinnar.

1. gr.

Samþykkt þessi gildir fyrir lögsagnarumdæmi Kópavogs.

2. gr.

Með almannafæri í samþykkt þessari er átt við vegi, svæði og staði sem almenningur fer um eða ætlaðir eru til almenningsnota, utan húss eða innan, svo sem verslanir, samkomustaði og aðra þjónustustaði.

II. KAFLI

Um reglu, velsæmi og almennt öryggi á almannafæri.

Regla og næði.

3. gr.

Bannað er að aðhafast nokkuð það, sem veldur ónæði eða raskar næturró manna.

4. gr.

Uppþot, áflog eða önnur háttsemi, sem raskar allsherjarreglu, má ekki eiga sér stað á almannafæri og ekki mega menn þyrpast þar saman, ef það truflar umferð eða veldur vegfarendum öðrum óþægindum. Enginn má sýna öðrum áreitni á almannafæri eða sýna þar af sér ósæmilega háttsemi.

5. gr.

Lögreglustjóri getur bannað notkun hátalara, hljómflutningstækja, hljóðfæra eða annars þess háttar, á eða við almannafæri, ef ástæða er til að ætla að hún valdi ónæði eða truflun.

6. gr.

Þegar fjölmenni safnast saman á almannafæri, við biðstöðvar almenningsvagna, miðasölur, skemmtistaði, verslanir og aðra afgreiðslustaði, skal fólk raða sér þannig að þeir, sem fyrstir koma, fái fyrst afgreiðslu.

7. gr.

Hver sá, sem staddur er á almannafæri, er skyldur að segja til nafns síns og heimilis, þegar lögreglan krefst þess.

8. gr.

Skylt er að hlýða fyrirmælum, sem lögregla gefur, vegna umferðarstjórnar eða til þess að halda uppi reglu á almannafæri.

Lögreglan getur vísað þeim mönnum í burtu af almannafæri, sem með háttsemi sinni valda vegfarendum eða íbúum í nágrenninu ónæði.

Góðir umgengnishættir og hreinlæti á almannafæri.

9. gr.

Öllum ber að gæta þess að ganga vel um á almannafæri og skemma þar ekki hluti eða færa þá úr stað, sem ætlaðir eru til almenningsnota eða prýði. Þetta á einnig við þann hluta

af húsum og öðrum mannvirkjum, sem liggja að almannaferi. Á slík mannvirki og hluti má ekki mála eða teikna og ekki festa auglýsingar, nema með leyfi eiganda eða umráðamanns. Þá er óheimilt að reisa auglýsingaskilti á almannaferi nema með leyfi bæjaryfirvalda. Uppfestar auglýsingar skulu hlutaðeigendur taka niður þegar þær hafa fullnægt tilgangi sínum.

Þess skal gætt að troða ekki ræktaða bletti, grasreiti, blómabeð og limgerði á almannaferi og bannað er að slíta þar upp gróður.

10. gr.

Enginn má án leyfis húsráðanda láta fyrir berast á eða í húsi hans, á lóðum eða á girðingum, sama á við um þessa staði og aðra sambærilega ef lögregla bannar það, enda verði það talið geta valdið óþægindum eða hættu. Ekki má fara í hífýli manna í söluerindum, ef húsráðandi leggur við því bann.

11. gr.

Bæjarstjórn getur sett umgengnisreglur um skemmtigarða, kirkjugarða, leikvelli, lystigarða og önnur opinber svæði, enda séu reglurnar festar upp við innganginn eða á öðrum áberandi stað.

Almennar reglur um öryggi á almannaferi, skyldur húsráðenda o.fl.

12. gr.

Meðferð vatns, s.s. við þríf, er óheimil nema í frostlausu veðri, ef þrífir valda rennsli á gagnstétt eða götu eða geta valdið truflun á umferð á annan hátt. Haga skal þrífum þannig að sem minnst ónæði stafi af þeim fyrir vegfarendur.

Í götubrunna og göturæsi má ekki hella mengandi efnum s.s. spilliefnum o.s.frv.

Eiganda eða umráðamanni húss er skylt að fjarlægja af húsi sínu snjó og grýlukerti, sem fallið geta niður og valdið hættu fyrir vegfarendur.

Húseigendum er skylt að hlíta fyrirmælum bæjaryfirvalda um frágang girðinga o.þ.h. sem liggja að almannaferi. Einnig skal húsráðendum skylt að snyrta allan gróður, þ.m.t. trjárgróður, sem liggur að almannaferi þannig að umferð vegfarenda sé óhindruð. Hlíti húseigandi eða lóðarhafi ekki fyrirmælum bæjaryfirvalda um frágang samkvæmt þessari grein er heimilt að láta vinna verkið á hans kostnað enda sé honum tilkynnt um það með hæfilegum fyrirvara.

13. gr.

Tilkynna skal lögreglustjóra um fyrirhugaðar hópgöngur, útifundi og því um líkt, í því skyni að hann geti gert viðeigandi ráðstafanir varðandi umferðarstjórn.

14. gr.

Á almannaferi má ekki nota skotvopn, ganga með logandi blys eða kveikja í bálköstum, nema með leyfi lögreglustjóra. Einnig skal leita leyfis lögreglustjóra til að halda flugeldasýningar.

15. gr.

Lögreglustjóra er heimilt að banna öllum óviðkomandi, sem ekki eiga brýnt erindi, umferð út í skip, sem liggja í höfninni, einnig er slökkviliðsstjóra heimilt að takmarka samgang við skip sem flytja eldfim efni, svo sem olúskip.

16. gr.

Ekki má gera jarðrask, s.s. skurði í gangstéttir, götur eða torg bæjarins né raska þeim á annan hátt, nema með leyfi bæjaryfirvalda og lögreglustjóra. Að verki loknu skal færa það í samt lag, sem raskað var. Þegar gerður er skurður í gangstétt, skal sá, sem verkið vinnur, sjá um að tryggja öryggi gangandi vegfara og annarra, s.s. með því að sjá fyrir göngubrautum og tryggja að vegfarendur séu aðvaraðir um farartálmann, s.s. með ljósum, glitmerkjum o.þ.h., þegar dimmt er. Slík verk skulu unnin þannig, að sem minnstur farartálmi verði. Lögreglustjóri gerir þær ráðstafanir, er honum þykir þurfa til að afstýra hættu fyrir vegfarendur. Getur hann bannað umferð um götur að nokkru eða öllu leyti, meðan á verki stendur, eða skipað fyrir um, hvernig umferðinni skuli hagað. Einnig getur hann ákveðið að skurðir í götur séu bygðir og uppgröftur fjarlægður, þannig að umferð sé óhindruð um göturnar á þeim tíma, sem ekki er unnið, svo sem að næturlagi og um helgar. Þá getur lögreglustjóri, ef hann telur framkvæmdir dragast um of, látið setja í samt lag, það sem raskað var, á kostnað þess, sem verkið átti að vinna.

17. gr.

Þegar hús er byggt, rífið, endurbyggt eða flutt, er eiganda eða verktaka skylt að leita eftir fyrirmælum lögreglustjóra, til að forðast farartálma, hættu eða óþægindi fyrir vegfarendur.

Girðingar, sem hafa verið reistar vegna mannvirkjagerðar, skal fjarlægja, þegar þeirra er ekki lengur þörf.

Þegar hús eða annað mannvirki brennur, það fjarlægt eða rífið burt, án þess að annað sé byggt í staðinn, er eiganda skylt að ganga svo frá hússtæðinu, að ekki stafi af því hætta, óþrifnaður eða óprýði.

18. gr.

Óheimilt er að grafa grunn, reisa hús, rífa hús eða breyta því, burðarkerfi þess, formi, svipmóti eða notkun þess eða gera önnur þau mannvirki sem falla undir IV. kafla laga nr. 73/1997 nema að fengnu leyfi bæjarstjórnar, sbr. 43. gr. skipulags- og byggingarlaga nr. 73/1997.

Framangreint bann tekur til hverskonar mannvirkja og hluta sem nýttir eru sem mannvirki eða hús. Bann þetta tekur því til lausra húsa, skúra, gáma o.s.frv., þegar notkun þeirra er auglýsingalega ekki í samræmi við eðlilega notkun og tilgang þeirra eða þeirra svæða, þar sem þeim hefur verið komið fyrir.

Heimilt er að láta farga slíkum hlutum eða fjarlægja þá, á kostnað eigenda og/eða lóðarhafa, ef hann sinnir ekki fyrirmælum byggingayfirvalda um að fjarlægja þau mannvirki eða hluti, sem um ræðir í þessari grein.

III. KAFLI

Um ökutæki, umferð o.fl.

19. gr.

Á almannafæri má ekki leggja eða setja neitt það sem hindrar umferð.

Vörubifreiðar, sem eru 3,5 tonn að leyfðri heildarþyngd eða meira og hópibifreiðar sem flytja mega 10 farþega eða fleiri, mega ekki standa á götum í íbúðahúsaahverfum eða almennum bifreiðastæðum bæjarins á tímabilinu milli kl. 22.00 og 06.00 nema þau séu til þess ætluð. Bann þetta gildir einnig um hvers konar vinnuvélar og dráttarvélar, án tillits til þunga þeirra. Bæjarstjórn getur veitt undanþágu frá banni þessu og skal þá afmarka og merkja sérstaklega þá staði, sem undanþágan nær til. Undanþágan getur auk staðsetningar tekið til ákveðinna tímabila.

Lögreglustjóri getur bannað stöður hjólhýsa, húsbíla, báta, flutningavagna og þess háttar tækja á götum og almennum bifreiðastæðum, ef þau þykja valda íbúum ónæði.

Heimilt er að flytja burtu og taka í vörslu bæjarins bifreiðar sem standa án skráningar-númera á götum og almennum bifreiðastæðum. Tilkynna skal skráðum eiganda og/eða um-ráðamanni um flutninginn og ber hann kostnað vegna flutnings og vörslu bifreiðarinnar.

20. gr.

Lögreglustjóri eða bæjarstjórn getur takmarkað eða bannað umferð stórvirkra vinnuvéla, vörubifreiða eða annarra bifreiða á einstökum götum, ef slík umferð er álitin hættuleg eða til sérstakra óþæginda fyrir aðra umferð.

21. gr.

Öll umferð torfærutækja, s.s. vélsleða, snjóbíla o.þ.h. er bönnuð innan þéttbýlis í lögsagnarumdæmi Kópavogs.

22. gr.

Aflvélar kyrrstæðra bifreiða og vinnuvéla sem ekki eru í annars konar notkun, er óheimilt að hafa í gangi eða skilja eftir í gangi lengur en þörf krefur, svo komast megi hjá ólofti og hávaða á almannafæri og annars staðar þar sem ætla má að slíkt valdi óþægindum.

23. gr.

Þeir, sem flytja hvers konar farm um götur bæjarins, skulu gæta þess vandlega að ganga þannig frá honum, að ekki valdi óþrifnaði eða hættu. Ef eitthvað slæðist eða hrynur niður á almannafæri við flutninginn, fermingu eða losun, er stjórnanda flutningstækisins skylt að hreinsa það upp þegar í stað.

24. gr.

Atvinnustarfsemi í íbúðarhverfum er óheimil. Bæjarstjórn getur þó heimilað þar minni háttar starfsemi svo fremi að tryggt sé að slíkt leiði ekki af sér ónæði eða truflun gagnvart íbúum.

Atvinnurekstri í húsnæði sem liggur að íbúðarbyggð skal að jafnaði hagað þannig að ekki hljótist af ónæði eða truflun fyrir þá sem næst búa. Gildir það jafnt um starfsemina sjálfa sem og umferð sem af henni hlýst.

IV. KAFLI

Um götuspjöld og húsnúmer.

25. gr.

Bæjarstjórn ákveður nöfn á götum og lætur festa upp skilti með þeim, þar sem þurfa þykir, s.s. við gatnamót og á fasteignir.

Húseigendur skulu merkja hús sín með húsnúmeri og eftir atvikum bókstöfum, á götuhlið eða öðrum áberandi stað, vegfarendum og þjónustuaðilum til glöggvunar.

V. KAFLI

Um verslun, veitingahús, skemmtanahald og knattborðs- og leiktækjastofur.

26. gr.

Utan sölubúða er sala á hvers konar varningi bönnuð með þeim undanþágum, sem hér greinir: Blöð, bæklinga, aðgöngumiða, happdrættismiða, merki og annað þessu skylt má selja á almannafæri. Bæjarstjórn getur veitt leyfi til vörusölu á torgum og öðrum stöðum, enda

séu fyrirmæli um verslunarleyfi og önnur ákvæði laga því ekki til fyrirstöðu, að slík leyfi séu veitt. Skal leyfi bæjarstjórnar bundið við ákveðnar vörutegundir og er heimilt að setja leyfinu þau skilyrði, sem talin eru nauðsynleg.

27. gr.

Veitingastaði er heimilt að hafa opna allan sólarhringinn, sbr. 2. mgr.

Heimilt er bæjarstjórn að banna flokka tiltekinna veitingastaða á afmörkuðum svæðum samkvæmt nánari ákvörðun bæjarstjórnar.

Veitingastöðum þar sem heimilaðar eru áfengisveitingar skal þó lokað þegar heimilum veitingatíma áfengis lýkur og má ekki opna þá að nýju fyrir en a.m.k. tveimur klukkustundum eftir að heimiluðum veitingatíma áfengis lýkur. Allir gestir skulu hafa farið út eigi síðar er einni klukkustund eftir að lokað er.

Heimilt er að reka heimsendingarþjónustu allan sólarhringinn.

Opnunartími verslana og annarra þjónustufyrirtækja er frjálst að því marki sem heimilt er að lögum er gilda á hverjum tíma eða reglum sem settar eru samkvæmt þeim.

28. gr.

Hver sá sem rekur veitinga- eða gististað, kvikmyndahús, leikhús eða annað samkomuhús eða heldur almenna skemmtun eða sýningu skal sjá um að allt fari vel fram og að starfsemin valdi ekki nágrönnum ónæði.

Slík starfsemi skal háð sérstöku eftirliti og er lögreglunni heimilt að fara um samkomu- sali og önnur húsakynni sem gestir hafa aðgang að.

Á öllum gististöðum skal haldin nákvæm gestaskrá.

Við sýningar á nektardansi í næturklúbbum er þeim sem dansar bannað að vera í lokuðu rými með viðskiptamanni meðan á sýningu stendur sem og að fara um meðal áhorfenda.

29. gr.

Enginn má reka knattborð, spilakassa eða leiktæki gegn borgun nema með leyfi lögreglustjóra að fenginni umsögn bæjarstjórnar. Leyfi skal ekki veitt til lengri tíma í senn en fjögurra ára. Það skal bundið við nafn leyfishafa og rekstur á tilteknum stað. Ef leyfishafi brýtur gegn ákvæðum greinar þessarar eða reksturinn þykir ekki fara vel úr hendi getur lögreglustjóri svipt hann leyfinu, enda hafi leyfishafi ekki látið segjast við aðvörun.

Knattborð, spilakassa og leiktæki má reka frá kl. 09.00 til 23.30.

Börnum innan 14 ára er ekki heimill aðgangur að slíkum tækjum nema í fylgd með forráðamönnum. Miðað skal við fæðingarár.

VI. KAFLI

Um útvistartíma barna.

30. gr.

Um útvistartíma barna og ungmenna gilda ákvæði barnaverndarlaga eins og þau eru á hverjum tíma.

VII. KAFLI

Hegningarákvæði.

31. gr.

Ef einhver lætur það ógert, sem honum er skylt að gera samkvæmt samþykktinni, getur lögreglustjóri látið framkvæma það eða gert aðrar nauðsynlegar ráðstafanir til að hindra að vanrækslan valdi tjóni. Kostnaður við þetta og kostnaður, sem leiðir af þeim ráðstöfunum,

er lögreglustjóri gerir til þess að hindra brot gegn því, sem bannað er í samþykktinni, greiðist af hinum brotlega eða, ef hann er eigi fær um það, úr ríkissjóði.

32. gr.

Brot gegn samþykkt þessari varða sektum, ef ekki liggur við þyngri hegning að lögum og skulu refsímál rekin að hætti opinberra mála.

VIII. KAFLI

Staðfesting og gildistaka.

33. gr.

Lögreglusamþykkt þessi, sem bæjarstjórn Kópavogs hefur samið og samþykkt samkvæmt lögum um lögreglusamþykktir nr. 36, 18. maí 1988, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Jafnframt er numin úr gildi lögreglusamþykkt fyrir Kópavogskaupstað, nr. 365, 28. júlí 1986, með áorðnum breytingum.

Dóms- og kirkjumálaráðuneytinu, 10. maí 2004.

Björn Bjarnason.

Kristrún Kristinsdóttir.

GJALDSKRÁ

fyrir Sorpstöð Héraðs bs.

1. gr.

Gjald fyrir úrgang sem komið er með til söfnunarstöðvar skal vera í samræmi við eftirfarandi:

Sorpflokkur	kr/kg án vsk.	með vsk. u.þ.b.
Grófur óflokkaður úrgangur	12,0	14,9
Úrgangur sem þarf að flokka og vinna sérstaklega fyrir förgun og aðra meðhöndlun. Sem dæmi: teppi, dýnur, kaðlar, net, húsgögn, jarðvegur, rafeindabúnaður, málmar, timbur, steinefni og gler.		
Annar óflokkaður úrgangur	8,4	10,5
Að mestu úrgangur sem fer ekki í skilgreindan endurvinnsluferil og þarfnast ekki sérstakrar meðhöndlunar fyrir förgun.		
Seyra/úrgangur úr fituskiljum	2,0	2,5
Timbur	4,0	5,0
Hreint, ekki litað eða fúavarið		
Óendurvinnanlegt flokkað timbur	5,75	7,2
Litað, spónaplötur o.þ.h.		
Bylgjupappi, dagblöð, tímarit, skrifstofupappír og annar pappír tækur til endurvinnslu	5,75	7,2
Gler	5,75	7,2
Kjöt og sláturúrgangur	5,95	7,4